



Hysbysiad Statudol

Cynnig i gau Ysgol Gynradd Gymunedol Froncysyllte, Woodlands Road, Llangollen, LL20 7SU

Deddf Safonau a Threfniadaeth Ysgolion (Cymru) 2013

Cod Trefniadaeth Ysgolion (2018)

Cyngor Bwrdeistref Sirol Wreccsam

Hysbysir trwy hyn, yn unol ag adran 43 Deddf Safonau a Threfniadaeth Ysgolion (Cymru) 2013 a Chod Trefniadaeth Ysgolion 2018, fod Cyngor Bwrdeistref Sirol Wreccsam, wedi ymgynghori â'r bobl angenrheidiol, yn cynnig:

Cau Ysgol Gynradd Gymunedol Froncysyllte ('YGG Froncysyllte') o 31 Awst 2026, neu yn gynt os yw nifer y disgyblion yn gostwng i sero.

Lleoliad: Woodlands Road, Llangollen, LL20 7SU

Mae Ysgol Gynradd Froncysyllte yn ysgol gynradd prif ffrwd cyfrwng Saesneg, rhyw gymysg ar gyfer disgyblion 3-11 oed. Nifer Derbyn Cyhoeddedig yr ysgol yw 12 disgybl. Mae'r ysgol yn cael ei chynnal gan Gyngor Bwrdeistref Sirol Wreccsam ('y Cyngor').

Cynhaliodd Cyngor Bwrdeistref Sirol Wreccsam gyfnod ymgynghori cyn penderfynu cyhoeddi'r cynnig hwn. Mae adroddiad ymgynghori sy'n cynnwys crynodeb o'r materion a godwyd gan ymgynghoreion, ymatebion y cynigydd, a barn Estyn ar gael ar wefan y Cyngor:

[Ymgynghori ar Ffederasiwn Ysgolion Dyffryn Dyfrdwy](#)

Derbyniadau

O 1 Medi 2026, bydd disgyblion sy'n mynychu Ysgol Gynradd Froncysyllte ar hyn o bryd yn gallu mynegi ysgol amgen ddewis. Bydd y Cyngor yn cydymffurfio ag unrhyw ddewis a fynegir o'r fath yn ddarostyngedig i Ddeddf Safonau a Fframwaith Ysgolion 1998, Adran 86(3). Yn y dyfodol, bydd unrhyw ddisgyblion newydd sy'n byw yn ardal Froncysyllte yn gallu gwneud cais am le yn unol â Pholisi Derbyn Ysgolion y Cyngor.

Manylion yr Ysgolion Amgen Agosaf

Yr ysgolion amgen agosaf ar gyfer disgyblion sy'n mynychu YGG Froncysyllte ar hyn o bryd o fewn pellter cerdded o 2 filltir fyddai fel a ganlyn:

Ysgol	Math o Ysgol	Categori Iaith
Ysgol Gynradd Gymunedol y Garth	Ysgol Gynradd Gymunedol	Cyfrwng Saesneg
Ysgol Acrefair	Ysgol Gynradd Gymunedol	Cyfrwng Saesneg
Ysgol Min y Ddôl	Ysgol Gynradd Gymunedol	Cyfrwng Cymraeg
Ysgol Cefn Mawr	Ysgol Gynradd Gymunedol	Cyfrwng Saesneg
Ysgol Gynradd Wirfoddol a Reolir yr Eglwys yng Nghymru Pentre	Ysgol Wirfoddol a Reolir	Cyfrwng Saesneg

Manylion unrhyw fesurau eraill y bwriedir eu cymryd i gynyddu nifer y lleoedd ysgol yn yr ysgolion amgen agosaf

Rhagwelir y byddai nifer y disgyblion sy'n trosglwyddo i unrhyw un o'r ysgolion amgen agosaf yn fach, ac felly ni fyddai'r effaith ar yr ysgolion hyn yn sylweddol ac mae digon o leoedd mewn ysgolion yn yr ardal gyfagos. O ystyried hyn, ni chynigir cymryd unrhyw fesurau i gynyddu nifer y lleoedd ysgol sydd ar gael oherwydd y bwriad i gau YGG Froncysyllte.

Trefniadau Trafnidiaeth O'r Cartref I'r Ysgol

Bydd trafniadaeth i ddisgyblion yn cael ei drin yn unol â Pholisi Trafnidiaeth Ysgol y Cyngor. Mae manylion Polisi Derbyn a Pholisi Trafnidiaeth Ysgol y Cyngor ar gael ar wefan [Cyngor Bwrdeistref Sirol Wrecsam](#)

Gweithredu

Bydd y cynnig yn cael ei weithredu gan Gyngor Bwrdeistref Sirol Wrecsam.

Cynnig i gau YGG Froncysyllte

Mae'r ffactorau sydd wedi'u hystyried gan y Cyngor wrth fwrw ymlaen â'r cynnig hwn yn cynnwys:

- Sicrhau cynaliadwyedd ysgolion yn Ffederasiwn Dyffryn Dyfrdwy yn y dyfodol.
- Galluogi disgyblion i fynychu ysgolion eraill a fyddai wedi'u paratoi'n well i fodloni'r Cwricwlwm i Gymru newydd.
- Galluogi disgyblion i fynychu ysgolion eraill a fyddai'n darparu amrywiaeth ehangach o gyfleoedd addysgol ac allgyrsiol.
- Galluogi disgyblion i fynychu ysgol gyda mwy o gyd-ddisgyblion, fel y gellir addysgu disgyblion mewn dosbarthiadau o grŵp oedran tebyg gan ddarparu cyfleoedd ychwanegol ar gyfer cymorth cyfoedion.
- Galluogi disgyblion i fynychu ysgolion ag adeiladau o ansawdd gwell.
- Sicrhau effeithlonrwydd cynllunio a rheoli adnoddau.
- Lleihau nifer cyffredinol lleoedd gwag y Cyngor yn ysgolion cynradd Wrecsam.
- Mynd i'r afael â'r mater o nifer disgyblion isel ar y gofrestr a'r nifer a ragamcenir.
- Sicrhau bod y Cyngor yn cydymffurfio â'i ddyletswydd i fonitro'r galw am leoedd mewn ysgolion a sicrhau hyfywedd yr ystâd ysgolion.
- Gwireddu arbediad ariannol a gronnir i gyllideb Ffederasiwn Dyffryn Dyfrdwy.

Cyfnod Gwrthwynebu

Gellir cyflwyno gwrthwynebiadau i'r cynigion hyn o fewn 28 diwrnod o ddyddiad cyhoeddi'r cynigion hyn, sef hyd at **10 Mawrth 2026**.

Dylid anfon gwrthwynebiadau at:

Prif Swyddog Addysg ac Ymyrraeth Gynnar
Cyngor Bwrdeistref Sirol Wrecsam
Adeiladau'r Goron
31 Stryt Caer
Wrecsam
LL13 8BG

Neu drwy e-bost i: DeeValleyConsultation@wrexham.gov.uk

Bydd Cyngor Bwrdeistref Sirol Wrecsam yn cyhoeddi crynodeb o unrhyw wrthwynebiadau o'r fath a wnaed o fewn y cyfnod gwrthwynebu (ac nad ydynt wedi'u tynnu'n ôl yn ysgrifenedig), ynghyd â sylwadau'r Cyngor arno, o fewn y cyfnod amser penodedig a amlinellir yng Nghod Trefniadaeth Ysgolion 2018.

Llofnod:..... *K Evans*

Prif Swyddog Addysg ac Ymyrraeth Gynnar

Dyddiedig: 6 Chwefror 2026

Nodyn Esboniadol

Nid yw hyn yn rhan o'r hysbysiad ffurfiol. Y bwriad yw rhoi rhagor o wybodaeth a chefnidir i'r cynigion.

1. Mae nifer y disgyblion wedi gostwng yn gyffredinol yn ysgolion Wrecsam dros y pum mlynedd diwethaf ac mae disgwyl iddynt barhau i ostwng. O ganlyniad, bydd cyfran y lleoedd gwag ledled y Fwrdeistref Sirol yn parhau i gynyddu.
2. Mae angen newid i sicrhau bod plant a phobl ifanc yn Wrecsam yn cyflawni'r gorau y gallant, ac mae'r Cyngor wedi ymrwmo i gyflawni'r newid hwnnw.
3. Ar ôl ystyried yr holl ymatebion o'r broses ymgynghori, mae Bwrdd Gweithredol y Cyngor wedi penderfynu bwrw ymlaen â'r cynnig i gau YGG Froncysyllte ar 31 Awst 2026, neu yn gynt pe bai nifer y disgyblion yn gostwng i sero.
4. Drwy gyflwyno'r cynnig hwn, mae'r Cyngor yn bwriadu mynd i'r afael â'r mater o niferoedd isel o ddisgyblion yn yr ysgol sy'n effeithio ar gynaliadwyedd addysgol ac ariannol yr ysgol a lleihau'r capasiti dros ben cyffredinol mewn ysgolion cynradd ar draws y Fwrdeistref Sirol.
5. O 1 Medi 2026, bydd disgyblion sy'n mynychu Ysgol Gynradd Froncysyllte ar hyn o bryd yn gallu mynegi ysgol amgen ddewis. Bydd y Cyngor yn cydymffurfio ag unrhyw ddewis a fynegir o'r fath yn ddarostyngedig i Ddeddf Safonau a Fframwaith Ysgolion 1998, Adran 86(3). Yn y dyfodol, bydd unrhyw ddisgyblion newydd sy'n byw yn ardal Froncysyllte yn gallu gwneud cais am le mewn unrhyw ysgol yn unol â Pholisi Derbyn Ysgolion y Cyngor.
6. Bydd trafndiaeth i ddisgyblion yn cael ei drin yn unol â Pholisi Trafndiaeth Ysgol y Cyngor.
7. Mae'r ddogfen hon ar gael mewn copi caled neu mewn ieithoedd heblaw'r Gymraeg neu Saesneg ar gais. Mae hefyd ar gael mewn fformatau hygyrch fel print bras, Braille, DVD BSL a CD sain ar gais. I wneud cais am y ddogfen hon mewn fformat neu iaith arall neu gopi caled:
 - a. E-bost: DeeValleyConsultation@wrexham.gov.uk
neu
 - b. Ysgrifennu at: Y Tîm Mynediad a Lleoedd Ysgol, Yr Adran Addysg ac Ymyrraeth Gynnar, Adeiladau'r Goron, 31 Stryt Caer, Wrecsam, LL13 8BG.